



The Mizoram Gazette

EXTRA ORDINARY
Published by Authority

Vol. XVII Aizawl Wednesday 22.6.1988 Asadha 1, S.E. 1910 Issue No. 73(B)

HRIATTIRNA

No.LAD/VC-40/88/6-8, the 22nd. June, 1988. Lushai Hills District (Village Councils) Act, 1953 (as amended in 1986) chapter 3 (6) nain a sawi angin Aizawl District huam chhunga Bairabi leh Tuikual Village Council te chu an Village Council hmun hnihah then a lo nih tak avanga, an Village boundary siam that a lo nih tak avangin Mizoram Governor chuan (Annexure Sheet)-a sawi ang hi Tuikual North leh South leh Bairabi North leh South Village boundary thar atan a puang ta a ni.

K. Malsawma

Under Secretary to the Govt. of Mizoram
Local Administration Department,

TUIKUAL NORTH LEH SOUTH VILLAGE COUNCIL RAMRI

TUIKUAL NORTH V/C AREA

Pu Mankunga in sir hmar lam kawrin Sairang Road a sutna tak Culvert atanga intanin, chu kawr (Dinthar nena irrina) chu Khawthlang hawia zawh thlain, Tuikual Lui a fina. Tuikual lui chu a hnar zawngin Tuikual Thlanmual hmar lama kawrte rawn luang thlain Pu Pianga in bula Tuikual lui a finna thleng a zawh chhova. Tuikual lui pen sanin, Thlanmual sir hmarlam kawrte chu Khawchhak hawi a zawh zelin Pu H. Bata in sir Chhimlamah Sairang Road a man a. Sairang Road chu hmar lam hawia zawh thlain ramri in tanna a man ta a ni.

TUIKUAL SOUTH V/C AREA

Pu H. Bata, Tuikual North Venga mi In chhim lampanga kawr leh Sairang Road insutna tak atanga ramri intanin chu kawr chu Khawthlang hawi zawngin Tuikuallui a finna thleng a zawh thla a. Chuta tangin Tuikual lui a hnar lam hawi zawngin Char Number luin Tuikual a finna thleng a zawh chhova. Chuta tang chuan Char Number lui chu Khawchhak hawia zawh chho zelin Pu Thanthuama Building (S.B.I. Aizawl Branch in an luah) chu su chhovin kawngpui a man a. Chuta tang chuan Tennis Court leh Secretariat complex inkara kawngpui khawchhak hawin a zawh chhova, Chanmari—Kulikawn kawngpui a man a. Chu

kawngpui chu hmar zawnga zawh pheiin Assam Rifle Main Gate a thlenga, chuta tang chuan kawngpui tan thlain Khawthlang hawiin Zodin Cinema Hall chhim lam panga tuihawk luankawr a man a, chu tuihawk luankawr chu zawh thlain, Sairang Road a man thla a. Chuta tang chuan Sairang Road chu Hmarthlang hawia zawh thlain Pu Zahnuna In chhakah Tuikual Govt. Primary School-I area huamin kawngchung a han kai a, School piah hmar lamah chu School area chu zui thlain kawngpui a man leh a. Chuta tang chuan Sairang Road chu zawhthla lehin ramri intanna (Starting Point) a man leh ta a ni.

BAIRABI NORTH LEH BAIRABI SOUTH VILLAGE BOUNDARY

BAIRABI NORTH VILLAGE AREA

- Chhim lam : Pumpher lui leh Tlawng lui infinna atanga ramri intanin Khawchhak hawiin Pumpher lui a zawh chho va.
- Khawchhak lam : Pumpher lui atang chuan Dengpui huan kawnah Hmar lam hawiin a peng a, Bawnglui a man a. Bawnglui chu zawh thlain a kal zel a, Khawkung leh Rokunga inrina kawnah a tan liam a, Rel kawng a man a.
- Hmar lam : Rel kawng chu tawite a zawh hnuah Bairabi lui a fin a, Bairabi lui chu a mawng lamah zawh zelin Tlawng a fin a.
- Khawthlang lam : Tlawng chu a hmar lamah chhim hawia zawhin ramri intanna Pumpher lui leh Tlawng infinna a man leh chiah a ni.

BAIRABI SOUTH VILLAGE AREA

- Hmar lam : Tlawng leh Pumpher lui infinna atanga ramri in tanin khawchhak hawiin Pumpher lui a zawh chho va
- Khawchhak lam : Pumpher lui atang chuan Vanlalliana leilet chinah chhim hawiin a peng a, Biakthanga huan tan tlangin a kal zel a, chuta tang chuan Kawnpui lui a man.
- Chhim lam : Kawnpui lui chu khawchhak hawia zawh chhovin Chhimbal lui chhim hawiin a kal zel a, Siana huan tlangah lawn chhovin Tuibuhdeng lui a fin a, Tuibuhdeng lui chu Khawthlang hawia zawhin, Kawnpui lui a fin leh a, Khawthlang hawia Kawnpui lui chu zawh zelin Tlawng a fin a.
- Khawthlang lam : Tlawng chu hmar hawi zawnga zawh zelin ramri intanna Tlawng leh Pumpher lui infinna chu a man leh chiah a ni.